

OLD MUTUAL SUPERFUND

LESEDINYANA LA THUTO LA DITHO – PHATLALATSO YA 5



DINTLHA TSA MOTHEO TSA DIPENSHENE TSA ANNUITY

Taba ya ho beha meja fatshe e ka bonahala e sa thahasellise ho bobedi batho ba batjha ba sa tswa qala ho boloka tijelete bakeng sa ho beha meja fatshe kapa ba seng ba le haufi haholo le ho beha meja fatshe empa ba sa ntse ba sa dumele sena. Puisano ya rona e tsepamisitse ho o thusa, ho sa natswe dilemo tsa hao, ho qala, kapa ho tswela pele o etsa dikgetho tse ntle tsa ditjhelete bakeng sa bokamoso ba hao ba ditjhelete.

Ho bohlokwa ho hopola hore, le hoja mohiri wa hao le letlolo la hao la ho beha meja fatshe ba tla o neha dithulusi tsohle bakeng sa ho etsa dikgetho tse ntle tsa ditjhelete, matla a dutse matsohong a hao hore o sebedise hamolemo ka ho fetisisa dithulusi ho o thusa ho beha meja fatshe ka boiketlo ka letsatsi le leng.

Kahoo, a re re ke nako ya hore o behe meja fatshe mme qetellong sehlaha sa polokelo ha se na letho, tabatabelo yane ya ho isa mohatsao matsatsing a phomolo a mo tshwanelang eo o bileng le yona ka dinako tsohle ke ya sebele haholo jwale, ho phaella mona, o ile wa sebetsa ka thata ho fihla nakong ena, na ha ho jwalo? Ho ka ba jwalo, empa ho bohlokwa ho hopola hore ho etsa qeto mabapi le hore na ke **jwang o tsetelang tijelete ya hao ya nako ya ho beha meja fatshe ke e nngwe ya dikgetho tsa bohlokwa ka ho fetisisa eo o tla e etsa, ka hobane qeto e nepahetseng e tla o thusa ho etsa bonnete ba hore o fumana lekeno la kgwedi le kgwedi leo o le hlohang ha o beha meja fatshe.** Kahoo ho bohlokwa ka ho fetisisa hore o utlwisise kgahlamelo ya diqeto tseo o di etsang pele o etsa qeto hore na e be o tla nka karolo efe kapa efe ya tijelete ya hao ya ho beha meja fatshe jwalo ka tijelete e kgolo e lefshwang hangngwe.

Benjamin Franklin o itse, “Ho tsetela ka tsebo ho lefa tswala e ntle ka ho fetisisa”, kahoo nka nako ho ithupella e le hore o etse kgetho e molemo ka ho fetisisa ya nako ya ho beha meja fatshe bakeng sa maemo a hao le ho ithuta hore na o na le dikgetho dife tsa penshene ya annuity.

REWIND <<<<<: “ANNUITY” KE ENG?



Lena ke lebitso le fuweng penshene eo o ka kgonang ho e reka ka ditjhelete tse o di bolokileng bakeng sa nako ya ho beha meja fatshe nakong eo o behang meja fatshe.

Ho na le mofuta e fapaneng ya dipenshene tsa Annuity: Guaranteed Annuity (penshene ya annuity bakeng sa bophelo) kapa Living Annuity (lekeno le tshewatswang ka ditjhelete ke matsete).



GUARANTEED ANNUITY

Guaranteed Annuity e tla o neha penshene, kapa lekeno, le lefshwang nakong ya bophelo ba hao – ke hore, ho fihlela o hloka hahala.

Mefuta ya dipenshene tsa Guaranteed annuity:

Level Annuity (Penshene ya Annuity Tekanyo e Tshwanang): Penshene ya hao ya kgwedi le kgwedi e tla dula e tshwana hantle selemo le selemo. Kahoo penshene ena ya annuity ha e fane ka tshireletso efe kapa efe kgahlanong le infleishene.

Fixed Escalation Annuity (Penshene ya Annuity ya Kgolo e sa Fetoheng): Penshene ya hao ya kgwedi le kgwedi e tla eketseha ho ya ka sekgahla se behilweng esale pele sa selemo le selemo, ka mohlala 10%, e fana ka tshireletso e itseng kgahlanong le infleishene.

Inflation-linked Annuity (Penshene ya Annuity e Hokahantsweng le Infleishene): Penshene ya hao ya kgwedi le kgwedi e tla eketseha ho ikamahantswe le sekgahla sa infleishene. Penshene ya hao hammoho le dikeketseho di na le tiisetso mme di tla lefshwa ho fihlela o hloka hahala. Penshene ena e tla kgema le sekgahla sa infleishene.

With-Profit Annuity (Penshene ya Annuity Hammoho le Tswala): Ho na le seabo tswalong ya sebele ya matsete – esita le haeba ho ke ke ha fanwa ka tiisetso mabapi le dikeketseho, penshene ya sebele hammoho le dikeketseho tsa nakong e fetileng di na le tiisetso mme di tla lefshwa ho fihlela o hloka hahala. Ha ho fetile nako e telele, penshene ena etshwanetse ho fana ka tshireletso e itseng kgahlanong le infleishene.

LIVING ANNUITY (PENSHENE YA ANNUITY YA HO PHELA)

Living Annuity e o neha lekeno, o kgetha bongata ba tijelete eo o batlang ho e fumana (e tsejwang jwalo ka sekgahla sa kgulo e theohelang tlase) le hore na ke kgafetsa hakae o batlang ho e fumana (ka kgwedi, ka kotara ya selemo kapa selemo le selemo). Empa, matsete a hao a ke ke a tshwarella nako e telele ya bophelo ba hao; o ka phela nako e fetang ka nqane penshene ya hao haeba o hula lekeno le phahameng haholo.

O ka nna wa kgetha e bang penshene ya Guaranteed Annuity kapa penshene ya Living Annuity kapa, haeba o na le tijelete e lekaneng eo o e bolokileng bakeng sa nako ya ho beha meja fatshe, o ka nna wa kgetha mefuta ena e mmedi ya dipenshene tsa annuity. Maemo a motho ka mong a tshwanetse ho lekolwa ka mokgwa o nepahetseng ke moeletsu wa ditjhelete pele ho etswa qeto ya ho kgetha e bang penshene ya Guaranteed Annuity kapa penshene ya Living Annuity.

Tlika mona bakeng sa tlhaloso ya phapang pakeng tsa penshene ya Guaranteed Annuity le penshene ya Living Annuity.

Iteanye le Moeletsu wa Ditjhelete ya nang le mangolo a tshwaneleho kapa letsetsa mohaleng wa rona o fanang ka tshehetso mona 0860 38 88 73 bakeng sa dintlha tsa boiteanyo le Baeletsu ba Ditjhelete ba nang le mangolo a tshwaneleho.